


屠長卿集  
五



屠長卿集卷之四

東海屠隆長卿父著

古樂府

易水歌

木葉下兮天兩霜、壯士西去兮易水長、北風烈兮  
吹咸陽、

子夜四時歌

春

折花臨後園、風煖花欲咲、人愛花色妍、儂愛花心好、  
夏

與歡遊池上，荷生滿綠池。朱花似歡面，素藕似歡肌。  
秋

黃昏秋氣涼，蘭房燭未滅。私語無人知，擡頭見新月。  
冬

玉堦印瑤雪，擁爐時並肩。纖手撫郎背，低聲問郎寒。  
懊濃謔

白日照儂心，儂心不可見。願持金錯刀，剖出與歡看。  
其一

蘭桂非不香，不如茶荈辛。他人非不好，要非心所親。  
其二

隣里解笑儂，向人不敢淚。亦知歡負儂，儂心自不悔。  
其三

愛歡如楊柳，歡為楊柳花。搖搖逐飄風，飛去落誰家。  
其四

儂心如野葵，歡心如春艸。野葵只向陽，春草處處好。  
其五

手持并州刀，欲剪紅羅襦。羅襦生光彩，臨剪復躊躇。  
白頭吟

白日無回馭，黃河無回波。人情愛少年，其如老叅何。  
解

憶昔歸成都當壚何楚楚拂拭彈綠琴淚下忽如雨  
辭

春華方灼灼秋至而彫傷婆娑點雙鬢攬鏡恨秋霜  
三辭

昔為妃與央今為參與商故人既如此新人安得常  
四辭

君如白楊花妾如清池藕藕斷絲纏綿花飛不回首

五辭

妾經少年老少年老可知何不回新歡怜妾少年時

六辭

燕詞行

憶昔初嫁登君堂低眉淺黛宜豔妝釵頭斜飛金鳳  
皇玲瓏雜珮陳鳴璫春風吹人羅帶香流蘇宛轉入  
曲房銀缸照夜夜未央但願百年長頡頏一生行樂  
度年光臨池不羨雙妃央豈知歡愛固難常良人本  
年遊翔方賤妾不言心內傷含顰為君縫衣裳金刀  
玉尺淚成行送君出門天氣涼明月照見地上霜君  
今騎馬遊遠鄉妾願為君紫絲韉千里萬里隨君處  
不然其如閨塞長

猛虎行

二儀曠哉大道既夷上天好生萬物咸彘麒麟鳳凰  
 無不可猛虎何為嗟爾猛虎張牙奮爪出入驚山神  
 萬物皆有食汝何為獸食人騶虞不踐生草汝乃攫  
 人充腹腸腹腸雖可飶人命亦可傷深山之中白骨  
 荒荒明明上天照下土雷霆下擊草木胡不擊爾虎  
 爾亦憐其雛元元之民一何苦

董逃行

王侯甲第雲連豪華富貴薰天黃金高齊北斗朱戶  
 直出南山撞鐘伐鼓朝歌暮弦金多可買萬年逍遙  
 行樂波前解一清夜星河在門金鐙列照西園門外車

馬若雲出燕賓客入擁美人酒酣妙伎雜陳一一艷

曲陽春解二玄蟬清露瀼瀼鴻雁志在稻糧輝輝皦日

高堂挾瑟春風曲房何論萼草朝霜解三長安大道既

平朱輪華轂縱衡搖唇五嶽崩騰眈眈輝光爛盈宗

莫身後榮名解四夷齊西山不足謀英雄得時多起朱

樓葳蕤芳樹鳴鳩取樂今日遑恤明秋哀哉白骨不

收解五

公無渡河

公無渡河渡河無杭河一何廣公一何狂白日為公  
 黯淡失光公行被髮踉蹌追望不及徒使妾涕下而

心傷公無渡河渡河者何公愛清流妾畏風波蛟龍  
九子如連山之嵯峨公無渡河渡河無方舟人生亦  
足樂何必居清流高可登五嶽下可躡躡步九州悲  
哉湘君不足與夷猶公無渡河河伯爾湏水府深黑  
羣龍趨公無鱗甲安能水中居公無渡河公竟渡濁  
河湯湯起烟霧妾往從之不識路公無渡河無使我  
心哀公竟渡河渡河何時歸來公不歸來賤妾之顏  
常不開

大堤曲

襄陽大堤平重門開婀娜堤上有遊女堤下臨春波

其二

佳人捲朱簾皦日照芳樹下見襄陽兒鼓柁春江去

其三

好花紅的的豔殺大堤倡江風吹蕙帶聞得綠波香

白馬篇

白馬少年郎銀鞍錦繡裝朝辭萬乘出夕赴青樓倡  
揮鞭臨大路過處生輝光道逢富平侯並轡西南馳  
稱詩悅鄭女調笑動胡姬容華兩相耀羨殺長安兒  
長安多富人寶馬不敢騎朱顏會銷歇天命固有期  
芳樹

芳樹歲蕤當彼青春敷榮吐秀陰蓋四隣主人置酒  
 堂上羅嘉賓嘉賓既集衆樂畢陳人進北燕曲奏西  
 秦挾瑟上堂一一朱衣而華巾芳樹臨前楹發紅萼  
 對景如此君胡不樂君不樂何不看取芳樹今日芳  
 明朝霜落葉黃人生榮華安得長芳樹不飲無為北  
 風烈烈悲枯榮

豔歌行

明月照綠水垂柳夾朱樓妾住長千里夫壻大長秋  
 解一翡翠鳴前連春日臨鏡臺回頭顧歡咲却是小姑  
 來解二妾愛黃鳥聲即愛青駘蹄青駘得得太黃鳥日

日啼解三朝回臨曲池與郎歌回波池風能滅燭光暗

夜舒荷解四

妾薄命

邯鄲廣陌莎長重門結構文窓妾家綠水橫塘十五  
 工為豔妝妙手善刺鴛鴦體弱不勝明璫脩眉霞彩  
 朝陽行步光輝照梁春日城隅採桑聯鑣列騎成行  
 綽約不數妖倡解一秀色何人不憐歌舞妙絕邯鄲千  
 金白壁相鮮五色如雲錦牋嫁與城南少年解二少年  
 家本王侯貯妾火宅高樓簾幕珊瑚作鈎後園藤蔓  
 愚果含桃文杏相糾下有金塘綠洲上有翡翠斑鳩

入挾錦瑟筵篴出擁銀鞍紫駟行樂萬歲千秋解千  
秋萬歲與君逍遙聊樂我賈豈知世事浮雲仙仙絳  
衣縞裙為歡春復一春朱樓芳樹漂淪容華零落草  
根昨日蕩子從軍解四良人一去遠方白苧倏下天霜  
錦衾夜捲秋涼園林木乾葉黃不覺枯死蝸蟾玉琴  
罷彈清商十指可以縫裳夜長燈燭無光攬衣仰睇

河梁

解五

行路難

天上白玉堂仙人雲錦裳虎豹伺九關安敢順風翔  
東南風波惡西北隴坂長人心藏九疑浮雲變忽荒  
靈均秉直道努力事懷王忠信不見諒太公沈江湘  
精誠誓皦日冤氣感繁霜孔聖戒臨河豈是川無梁  
少年盛膏沐回睇生輝光秋至逐飛蓬中路以徬徨  
紈扇歌班姬前魚泣龍陽不信長門人寵愛昔專房  
朱顏不可保主恩安得常

烏棲曲

鴛鴦瓦白月上來蕙草微風裙帶開朱門露濕葳蕤  
鑰城頭烏棲月欲落

其二

窓前霜落剪刀冷夜按錦裳郎不醒楊柳烏啼天欲



明送君鼓旆下江陵

其三

郎今少年好遠遊恨無綵線繫蘭舟青溪小姑不相識問儂何故淚沾臆

屠長卿集卷之五

東海屠隆長卿父著

五言古詩

感懷十首

天地何沈寥俯仰一長嘅齊州不足步我欲出四海老子涉流沙去矣幾千載何當往從之庶幾凌爽塏

其二

闢茸升青雲賢豪困塗泥所以賈大夫忼慨吊湘纍人事不足論天意亦胡為我欲叩九閔虎豹當閔啼

其三

魏侯愛聽鄭齊王好吹竽竽瑟聲難諧鄭雅調亦殊  
古初不可作落落悲所如安得知音者與之鼓黃虞  
其四

曠望三神山仙人白玉堂海風吹桂樹洞門瑤牕長  
我欲往從之波濤日茫茫彷彿安期生惜哉川無梁  
其五

魯連輕侯王萬乘忽若失功成乃拂衣東去觀溟渤  
對珪寧肯分斯理坐超忽懷哉高士居我訶激白日  
其六

隨珠彈鳥雀失雀亦亾珠釣者垂弱絲累累貫大魚  
偃師為木偶夫人灌園蔬安能齊巧拙物性固有殊  
其七

王孫挾金丸都尉寵新聲赫奕平津侯顛顛轅固生  
支離復癰腫何以宜物情所以漁丈人吐喏歎歎醒  
其八

我有千金劍世無雷煥知塵埋挂空壁補履不如錐  
夜夜風雨鳴時時鬼神啼鉛刀正高售持此將何之  
其九

王風夕沉冥西日匿景光結交重市道江漢流湯湯  
富貴乃稱賢貧賤非所臧安能學彈鋏空谷以自藏

其十

荆卿譎易水俠氣干白虹相如睨秦庭函谷生雄風  
燕趙多烈士千載激頽庸齷齪金張家區區誇鼎鐘  
雜感六首

達人真萬物翛然貴清真抗志青雲端日月行秋旻  
安能自汨沒齷齪隨風塵末世不可託我欲觀無垠

其二

古來重俠客意氣陵秋濤浩蕩六郡子交結五陵豪  
駿馬躡飛電清霜明寶刀白日醉都市撾鼓擊雲璈  
槌碎胡姬肆殺人如芟蒿一言重然諾千金輕鴻毛  
俠骨重泉下巖巖氣猶高襟漱嗟小儒終然縛天弢  
躅躅橫一經兀兀徒為勞

其三

天地何廓落白日照杲杲男兒貴放志遐征極幽討  
西窮崑崙源東上蓬萊島奈何坐空山五見凋秋草  
曉起覽明鏡朱顏忽以老蹇足苦不展茫茫夢遠道

其四

一自混沌鑿聖伏神亦徂棄瓢事不復抱甕計已踈  
世路多嶮巖大道或摧車蹇予骯髒人睚眦未能除  
非受老氏術而當誰與居

其五

吹萬自不同物性多齟齬鳳凰嗜琅玕烏鳶嚇腐鼠  
黃鵠翔高雲矯矯本無侶鸞斯枋榆間亦乃矜毛羽  
小大何足云胡蝶乃栩栩

其六

輕薄誰家子風采何翩翩挾彈出章臺賣珠入長安  
手把珊瑚玦頭戴鷓鴣冠身騎紫騮馬足踏黃金鞍  
嫣然向人笑能得世人憐沽酒朱樓上高詠大路邊  
朝從博徒飲莫向娼家眠行樂度年光詩書不足觀  
心賤楊子雲守拙草太玄容華一朝改顛顛蓬蒿間

雜懷八首

鷓鴣日飛飛遊戲蘭茗中黃鵠鼓大翼一舉凌煙空  
朝遊崑崙巔莫宿扶桑東策名在及時登高呼順風  
運去龍蛇然時來牧豕封悲哉閭閻士皓首沒枯蓬

其二

雅音久絕響淫哇日嘈嘈黃鐘時一鳴衆人目為妖  
嚴霜被青桂鳳皇依陵茗百鳥傷其類哀鳴聲嗷嗷  
相失萬里外道遠增煩勞安得垂天翼銜汝歸故巢

其三

仲冬涉淮水千里莽無色沙飛原阪長雲起關河黑

日暮懷佳人沉慮及永夕不辭風塵苦所嗟道里隔  
采芝山雪深欲寄何由得

其四

晚步長洲上遙望吳王宮吳王歌舞罷西施粉黛空  
古墓生白楊高臺餘青楓天寒狐狸出日落寒花紅  
繁華此長畢三歎來悲風

其五

脩原亘長城城上臨高臺微茫見古壘萬里風沙開  
秦漢妙雄圖猛士紛如雷寶刀亂白日驅馬胡兵哀  
只今戰場上離離生蒿萊皇天莽無情英雄化為灰

其六

黃霸為潁川寬和親士民人皆事鷹虎爾歎懷至仁  
吏治高漢庭千載思陽春驅車登秋原潁水清磷磷  
高風既綿邈末世欽斯人

其七

我有金石友青雲鬱嵯峨忼慨慕荆高文章折陰何  
大義申皦日長風激頽波緩步登玉墀光采生鳴珂  
片言苟不合拂衣歸崑阿黃鵠橫四海安能傍雲羅

其八

昔我居長安冠蓋從我遊重門夾茂樹堂上羅珍羞

結交青雲士一一鳴天球詞藻懸秋河氣義橫高丘  
肉食豈足道榮名期千秋良時不再得惜紮風馬牛  
一讀浮萍篇嘆息安能休

臨淮曉發

行邁一何早驅馬出郭門馬足踐嚴霜北風厲寒原  
時方屬青陽褐衣苦不溫側身望四際烟沙莽相屯  
落月白無色天星麗以繁山川曠蕭條霜露空草根  
何人駟馬來疾如流泉奔但各東西馳不復交一言  
傷紮行踞難逃矣勞心竟

徐州道中感懷

北征何遙遙客心何皇皇嚴冬始出門行行及青塲  
歲月亦云邁猶復走南方踪跡窮吳越稅駕於維揚  
褰裳涉淮泗攬轡觀濠梁既道徐沛上乃經鄒魯鄉  
我勞當如何我馬亦玄黃西北多烈風天地為荒荒  
離家日以遠憂思日以長結念在丘樊云胡事翱翔  
浮名會驅人駟馳殊未央多愁令人老青絲化朝霜  
何時復來歸願言歌滄浪

初至長安作二首

高鳥無卑栖跛鱉無遠程尺蠖處糞壤神龍遊太清  
人生天地間小大各有營大人營四海小人謀餘生

舜禹勤黃屋姬孔勞萬靈廣心崇竝議垂此千秋名  
奈何今之人曾不尊前經碌碌競錐刀日夜操竒羸  
跼蹐百年內安知達者情

其二

余本蓬蒿士栖遲東海隅洪波日春門青山當吾廬  
讀書覽當世忼慨常歛歎微名達州里一朝赴公車  
憶昔初出門雨雪方載途今我當來斯楊柳拂河渠  
遊目望宮闕高門肅天居曉日開銅龍濟濟羣僚趨  
只尺懷至尊裴徊立路衢平生好奇服情性莽自  
踈類類東方生奏牘千萬餘聊以觀人羣貴富非所需

訓于子冲年丈

李君表東海泱泱高大風激昂青雲上睥睨時為空  
如登中天臺手撞萬石鐘衆籟闕不發餘氣吹鴻濛  
斯人一以逝高言落區中矯矯濟南生策足步其蹤  
大雅有屬和力賈前人雄駕言呼羣侶朋儕紛相從  
蹇余操薄技同奏明光宮時窮寡遇合朱顏隨秋蓬  
短袖不善舞蛾眉難為工同憐亦同病與君敦始終  
不羞盛粉澤轉為知己容

三司馬詩并引

僕少擅詞藻長負不羈名與窮俱才為妒媒

席門蓬巷楚然不來歎荷張大司馬范少司  
馬家司馬三公深相知時時游揚僕以不大  
汶汶比居都下追感疇昔怒焉興懷作三司  
馬詩

張大司馬公

天地豈不大滄海豈不深達哉曠士懷高風夙所欽  
壯夫重片言寧顧千黃金悵馬懷伊人忼慨彈鳴琴  
大義激肝腸淚下安能禁撫劍一以嘯北風振長林  
玄雲黯不流白日為我陰荆鄉西入關七族先為湛  
精氣感白虹易水發哀音丈夫何所貴所貴相知心

范少司馬公

巨鱗湏洪波勁羽湏烈風自非建大楫詎發萬石鐘  
士不附青雲零落隨枯蓬懷哉千金駿委彼大道中  
不逢穆天子行遇司馬公司馬一以睇颯颯凌秋空  
不然垂兩耳俛與凡馬同所以重知己古人刻深衷  
念此多涕泗忼慨以悲恫

家司馬

余少富才藻恂恂雅儒生長乃好奇鄙任俠里中行  
放意出六合萬物皆蚊蝨忼慨赴急難一身寡所營  
泰山重然諾蟬翼千金輕秉心慕季布希此梁楚聲



閣畧從窘步世路仄不平舉世多皮相夫君觀八紘  
大江亦東注白日亦西傾黃河化衣帶寧復移此生  
感來念疇昔怒馬百慮并端居懷古人仰天思縱衡  
詎令千載下管鮑獸知名

畝別張年丈

鴻雁東南翔噉噉鳴沙汀野曠天氣高白露淒以零  
烈風卷蓬根木葉下遙垆中宵不能寐徒倚臨前連  
天漢夜舒光寒星一何青蟋蟀啼我牀如聞在凶櫺  
微情似有訴唧唧誰為聽鬱然念良友躑躅不能寧  
浮雲即長路飄轉昔所經離別在須臾膏車為我停  
命酒一斟酌且醉不願醒故人涕相向翻飛惻原鴿  
昔賢多吏隱地僻可沉冥回顧平生驩朱絃泣泠泠  
努力在霄漢無勞念浮萍

都下懷海上諸故人

海曲多奇士一時何駸駸爭探驪龍珠皆言涉玄津  
麗藻耀白日容華當青春洵美絕代姿豔舞邯鄲人  
挾瑟理清曲一一妙入神揚蛾各自媚含意還具陳  
相好不相妒綢繆免絲親余昔從夫君今也遊朔方  
羣雁遵南渚一鴻歎北翔北地寒氣早八月艸木黃  
長鳴向晨風卑栖凌朝霜天路一何遠眷焉念同行

豈無雲霄翼差池與頡頏新知雖足樂故人安可忘  
夢太燈燭短悲來関山長起視河漢水中宵以彷徨

遠遊

大道合混淪无為超芻荒元氣相融結廓開為玄黃  
道出垓北外二儀亦微茫白日彈丸大黃河衣帶長  
萬物在天地何異紛糝糠而我分一形醮螟集眉眶  
萬期亦須臾无論彭與殤而我百年内儵忽閃電光  
柰何據寸壤奔走日踉蹌零露落萸艸鬢髮為蒼蒼  
我欲騎六氣龍輶挾高翔清言入杳冥列仙同尚羊  
朝憇崆峒上莫宿崑崙旁濯足臨華池晞髮坐扶桑  
有時登清都紅雲拱玉皇日月足下走大地浮中央  
庶幾隣泰初天和永無戕

遊子吟

嚴霜被長坂遊子依轉蓬一下慈母泪眷焉念其躬  
征衣手自製絲縷何重重縫多向北方可以禦寒風

伍員廟

伍相慷慨士重義輕其軀壯哉白日心皎皎當不渝  
解劍豈徒爾投金表區區入郢已覆楚浮江終報吳  
感激千載下永為壯士模

屠長卿集卷之六

東海屠隆長卿父著

五言古詩

南霽雲

桓桓南將軍徵兵下泗州城上黃雲起睢水寒不流  
斷指驚座客西風厲高秋賀蘭竟何人端居擁貔貅  
觀穫

綠野收千頃黃雲徧四垂老人歌拾穗童子學烹葵  
落日照茅屋牛羊眠短籬江南多富人倉困何纍纍  
苦樂不可問傷哉貧家兒經年事耕種辛苦當為誰

富家長夜燕貧家無晨炊言念食者飽無忘耕者飢  
張大司馬惠芝園集寄謝

先生躬大雅制作參穹玄蟠胸富錯綺落筆疑湧泉  
雄名張四垂文光燭八埏高視凌當代却步走昔賢  
片語洛寰中萬口爭相傳秉心敬愛士贈我瑤華篇  
長跪啓琅函讀之意翩翩如入群玉府衆寶羅目前  
五丁扛龍文二酉發鴻秘恍作金石聲時有虹霓氣  
山靈為呵護海若竊窺眎吐吐吐離生把玩喜且驚  
竒觀易耳目異物令屏營饑腸飮肉芝暍吻吸金莖  
塵心忽若失灑灑神骨清無能報瓊瑤但知感寵崇

與故人酌先大夫簡肅公墓下作

開尊延故人野酌一聚首黃葉掃更多碧苔坐來久  
雲深鷄犬稀日落孤兔走因嗟泉下人勉進盃中酒  
聞沈嘉則先生與汪長文遊四明洞天作

四明迥竒絕獸立東南州上與元氣合下見滄海浮  
烟霞日莽互何人窮其幽二君策高足能為十日遊  
白雲度千嶺青天開雙眸捫星帝座近得句山靈愁  
倦來臥蘿月海風吹蕭颼洞天闕瑤艸何時尋丹丘  
塞下曲十首

五月燕山雪胡風卷斷沙關支騎駿馬蹠蹶顏如花

秦關動哀角漢女學琵琶將士臨河水彎弓待月華

其二

良人征戰處萬里但荒烟草短邊霜早天寒塞月圓  
相思豈無夢妾是不曾眠那得雲間信魂銷落雁前

其三

征人赴征戰九月到臨洮  
魂銷紫騮馬淚滿鬱金袍  
鼓角秦川壯旌旗漢月高  
王師今轉戰弓矢未應索

其四

秋色入高樓應同塞上秋  
思君鉄衣冷織我金梭  
愁胡天莽難見葱河慘不流  
惟有深閨月照君邊塞頭

其五

風急凋弓勁匈奴今正驕  
霧昏荒壘斷草白萬里遙  
秋高邊氣肅野曠行人銷  
壯士無慘顏長當為雄

其六

高蹄雙馬健明月照凋弓  
紫氣來關右黃雲出塞空  
將軍有神武戰士立竒功  
漢闕開東第侯主取次封

其七

昨得征人書歷歷見懷抱  
但愁虜不滅不惜朱顏老  
丈夫守邊垂安得頽情好  
生當萬戶侯死當埋沙

其八

唐長卿集 卷之六 三  
妾織至中夜弄杼不成章  
歎枕夢見君足踏胡地霜  
萬里邊城月相隨到空房  
淚洒珊瑚玦懷人楓葉黃

其九

平原空大漠千戟列荒營  
不見邊人語惟聞塞馬聲  
西風寒鬢築霜氣入胡纓  
誰辨河邊骨年年春草生  
其十

漢武事邊功朱旗耀日紅  
調遣三輔豪徵發六郡雄  
臨城黃屋動登臺瀚海空  
豈知沒閨女含淒霜月中  
東海吟四首

島夷乘黃屋鼓角喧東方  
虜氣驕且勁我軍聲未揚  
一戰海水動落日何荒荒  
遊子聞鄉信道遠不可詳  
念我骨肉親沈憂結中腸  
思君大江濶江闊川無梁  
舟楫渺何處歸心挂扶桑  
安得萬里風吹我歸故鄉  
願借青天雲載君來我傍  
君亦不得來我亦不得去  
次下忽沾衣高樓日延佇

其二

青山何合沓高雲自崔嵬  
大谷隱天日冥冥雲不開  
不見江上草徒長山中苔  
山泉東走海海水不西來  
江與新安合潮上嚴陵回  
安得到中山東浮溟鯉至  
空有相思人那得相思字

其三

青春來山中倏忽又朱夏夏日一何長六龍苦回駕  
炎氣張天高朱光閃屋瓦日長愁人心日莫復愁夜  
夜靜衆山空明月照古榭踟躕立中庭仰見星河瀉  
涼風生葛衣感我清淚下

其四

萬里白狼斷鯤人寇東垂黃塵揚海波海風吹大旗  
上將出行邊留兵還守陴王師未乘勝遊子心淒迷  
河聲奔喧騰髣髴聞鼓聲應有中閨人含情夜夜啼

冬日道中

疾風吹大野萬木相號鳴青天一何高寒原曠以平  
河水凍不流草枯層冰生烟昏白日慘墓田紛縱衡  
肩輿行蕭蕭虺隤馬毛輕僕夫手足皸言語無懽聲  
以茲涉歷苦感歎百憂并

懷太末諸所知

言念山中友意氣橫青冥相與託素心清言叩玄扃  
采秀向崑阿覽物臨空亭醉睨高天雲大呼驚山靈  
颯颯林葉響蕭蕭獸虎聽別來秋水碧再見春山青  
長嘯懷伊人悵焉感流萍

春日望海

春日不自樂遊目登高丘烟雲吞六合曠焉失九州  
不知青天高但見大海流萬里天風來海樹如深秋  
空波蕩白日鳥飛迫亦愁諸島鬱相望遠近虛中浮  
悵矣三神山彷彿瑤草幽

觀海篇

天地亦好奇咄嗟此何為混茫一元氣翕奮爭淋漓  
大物相竊弄端倪不可持浩蕩簸冥極六合遠相摧  
空水無根蒂懸流大荒東周覽但決泮窅然如鴻濛  
絕島隆卷石歷歷澹浮空此物固善幻恣肆當何窮  
一氣蒸萬物糾紛錯寰中安知大海裏而無金銀宮  
女媧斷鼇足龍伯沅壺嶠天吳不敢窺上挾真宰叫  
余今覽此意觀化歷要眇齋諧昔志恠鄒衍多大言  
誓將凌海上白日行三山

夜宿海邊

雲房宿海壖海氣莽迴互烟沙舂天高波濤一何巨  
萬木聲相悲不復辨風雨餘響振長廊倘欲鳴鐘簷  
微聞援嘯哀陰崖破鬼語舟人落夜帆海鳥不敢舉  
天地設險壯山川迤延阻孤城奠東極雄關兀相拒  
耿介厲長劍寸心生毛羽

愛妾易馬



美人易駿馬訣絕傷心肝紫鷲頃顛顛蛾眉黯摧殘  
主人恩已薄而我猶悲酸交易豈不易別離良歎難  
金絡非不好不如舊主鞍玉釵非不好不如故所歡  
馬易舊鞍轡去為新人騎妾易舊衣裳去為新人姬  
含悽各入門淚下還雙垂努力事新人情性安得知  
交易豈不好不如無離睽馬仍歸舊主妾仍歸舊闈  
行各適所願維以永不違長得奉清塵出入有光輝

班婕妤

一  
起看秋月羅衣濕清露井頭梧葉飄草上流螢度  
一  
宮中萬里遠君顏那可覩春華及秋卉大運相更互  
榮華會衰歇人情有新故故者不復新新者有時故  
居衰何足悲居寵何足妬君王不自陳皇天奚以訢  
但恐君寵多桂樹易生蠹我願踈蛾眉君王萬年固

屠長卿集卷之七

東海屠隆長卿父著

七言古詩

贈天台范文學汝東

吾聞天台之山幾百里青天倒挂窺海水與公賦後  
 增嶙峋望而不見勞心神劉郎採藥去不返長松落  
 落白日晚即今一遇天台生恍如石梁落雙眼天台  
 生何翩翩五雲秀色開洞天文章吐赤鳳意氣凌紫  
 烟把臂一笑俱茫然明朝訪爾天台踏我欲仙人石  
 上眠

悼溺海將士

黑雲摧海邊風號海昏日落煙沙高濁浪茫茫蹴厚  
地橫奔轟轟吼靈鼇十萬樓船忽如紙蕩空觸石顛  
不止大旗吹折寶刀沉同時六軍沒海水傷心大將  
哭臨陣聲斷金笳絕鼓鞞身掩黃沙銷錦甲魂隨明  
月到春閨君不見胡人飲馬長城窟城下多少英雄  
骨又不見宋家浮屍高厓山義士東來一不還丈夫  
報國聲隆隆扶桑日出光曈曈生為壯士死為鬼雄  
何必老死蓬蒿中

海石先生歌

青天萬里海波長海上三山瑤草香山擁孤高雲片  
片水浮空綠流泱泱蒼茫大帝金為闕縹緲秦皇石  
作梁海石先生老華髮幾坐藤蘿弄秋月曾向黃河  
挂錦帆歸騎海鶴凌空發三山白石不生塵有時徑  
渡扶桑津先生知是東方朔桃花已放三千春

元宵篇為劉大夫

天王御極今三載繡斧風流使君在手散陽和遍大  
江江南正月春如海太平元夕在青陽銀漏遲遲夜  
未央絳蠟風中吹不斷紅蓮火裡暗生香疎星低戶  
天河近明月窺簾海色長管絃處處聲相送清謔予

夜梅花弄六街塵起萬人來車馬踏城城欲動傑閣  
朱樓大路平誰家妖麗不關情王孫暎雪披宮錦少  
女如花坐玉笙王孫少女兩相怜香粉叢中綵袖聯  
壚頭醉客歌青髻陌上遊人拾翠鈿人間此夕復何  
夕莫遣東方開曙色不知天上夜何其應念嫦娥睡  
不得憺幃裊裊出行春羽騎霓旌從若雲千家綺綉  
懸華屋一道燈花擁使君

閨情四首

朝亦看百花莫亦看百花朝看百花樂未央莫看百  
花愁斷腸朝看君與溫莫看君出門君在百花好君

公有花老問君此公幾時歸寐莫簾櫳雙燕飛

其二

昨日別君楊柳濃今朝悵望櫻桃紅青驄公何在只  
在平蕪外春風自煖妾自寒隣女相過掩淚看日長  
草綠嬌黃蝶宛轉啼鶻隔花葉不能飛公喚君歸何  
用朝朝啼向妾

其三

香來窗外花夢斷花間鳥歇自不成眠猶言妾起早  
郎公烟蕪十里村茫茫春水江南道只在江南望亦  
迷何論冀北與遼西不知成婦深閨者瘦瘦含情何

以啼

其四

郎君憶妾妾不知妾憶郎君心  
歎悲黃昏點燈照孤影  
白日當窻愁耿耿東隣夫婦如死  
央奈何妾歎守空房空房不可守  
月照飛蓬首夜來讀素書愛惜如  
瓊玖誰家有女不懷春何物懷春不  
苦辛蒼蒼燕燕生錦瑟落花何意點  
文衽

公子行贈吳生

吳家公子氣嶙峋長安寶馬驕青春  
少年作賦稱才子落日酬詩向酒人  
屢舉不登身已老千金散公亦貧  
只今落拓風塵裡醉來萬事都不理  
有時挂席行三山手把長竿釣海水  
聽潮窮大壑捫日升高丘仙人石梁  
落眼底空波平見青天流君不見長  
卿倦遊家四壁名成結駟歸鄉國  
主父貧窮擯親友時來六臣畏其口  
吳生吳生爾不群與爾且訪滄海君

閨怨

妾貌如芙蓉二八猶未嫁睡起腰肢  
只自妍妝成眉黛無人畫人言妾貌  
使君前聘妾金花雲錦箋但聽人言  
好要非心所憐衆女疾娥眉解生妬  
妾貌非有移使君心不固還君錦箋  
君且休與君別自選

風流澆紗西施石椁桑南陌頭妾面袷今羞白日王  
顏自分死朱樓

歸來行

戰罷歸來嗟咄咄滿腹文章窮到骨英雄失路走風  
塵歲月忽飄愁泪沒老天生才定若何我欲凍身問  
造物明珠按劍使人驚蟬翼見重九鼎輕驥裏雙足  
伏槽樾黃鶴兩翅垂青冥父老憐余時命劣為詞叩  
角聲激切酒酣起舞清夜沉怗慨歌聲入霜月

李生行

李生長不滿七尺意氣不減古俠客腰懸七首截雲

寬手挽黃河挂曾臆西望太行東窺碣石一室臥遊  
窮八極青袍雖是齊魯儒許身終作高陽徒酒酣自  
起擊玉壺春日風嘶紫叱撥寒天夜擁花墮觥白眼  
看人只長嘯風流舅氏頗同調落拓未逢天子呼昂  
藏且放時人咲爾為我飲我為爾訶仰天擊筑怗慨  
多君看絕海雙黃鶴羽翼未成當奈何嗟嗟羽翼未  
成當奈何

輕薄少年行

少年俠氣一何甚躍馬身披萬金錦彈箏朝喚公子  
遊燒鐙莫與訶兒飲良田賣去買花園黃金破盡開

綺筵青春張蓋朱樓外白日乘車大陌邊有時手展  
數行書兩眼睥睨輕應徐布袍革帶爾胡事白首空  
然作鄙儒

東海高士歌贈沈嘉則先生

句章山人沈嘉則東海高士也以雅道倡東  
南名動海內余恨未得識面蓋神交者十年  
所矣張大司馬為置酒招置一見傾倒余覽  
其風度議論真非常人讀其文令人神王先  
生亦深見器識呼余似李白僕則安能乃退  
而作歌

天上神物高嶙峋光芒倒影凌星辰一朝墮地走暫  
託形骸化為人化為人何昂藏顛骨稜層聳五嶽咳  
唾翕沓吞三湘雙眸炯炯照秋月兩腋翩翩挾大荒  
御風騎氣遊汗漫馱馱兩龍恣翱翔竭來東海瞰大  
壑大壑茫茫混寥廓三神之山立縹緲日月爭出相  
颺躍掀髯一嘯弄滄溟風卷白波氣噴薄或持大瓢  
酌海水手搖空綠潮欲涸醉來赤脚踏洪連睥睨海  
水如一勺豪吟散髮驅長鯨竒句散落海若驚錦繡  
盤甬羅萬象宇宙入眼空羣英山川風月隨筆札元  
氣奔僕供使令上窮天象蒼旻低下搜地軸黃河傾

於菟秋山吼欲裂其餘蚊蚋吟瓶罌一劍崩縵四海  
走逢人談笑把尊酒酒酣耳熱生雄風作詩書字大  
如斗王侯將相爭識面海內才賢都握手曾充記室  
佐司馬不減劇孟徒條侯司馬弓藏賓客散束芻千  
里泣蒿丘不歌文章傾南國義聲往往張九州嗟余  
不拜紫芝顏懷人夢寐徒十年仙凡咫尺隔林樾烟  
耶霧耶兩茫然司馬愛才為招聚一見把臂歡如故  
往來共在天地裏何事當時不相遇

贈柴仲初

柴生風度邈孤騫少年辭采何翩然崑崙頂上金光

艸太華峰頭玉井蓮二物炯炯宅仙靈墮落人間偶  
化形秀句時出照若木蕭爽對我神骨冷閑步東南  
高越絕洞視青天莽轆轤浩訶擊揖渡江雲聽潮舉  
盃邀海月夫君意氣慨以慷昔年把臂窺錢唐言念  
平生海嶽交情好今來已四霜君有湛盧挂空壁我  
亦摧藏淚沾臆多君得得過艸坐撫劍踟躕為歎息  
丈夫事業當絕竒高冠切雲佩陸離要與天壤增嶙  
峴肯若培塿依藩籬時來徒步恥卿相會使鴻名滿  
四垂蔡澤猶然咲唐舉躍馬食肉胡其卑只今蹇產  
隨造物且觀冥冥坐起忽與君一笑弄滄溟東指三



山迥嶽岫三山倘可采紫芝聊爾同駢胷中萬古之  
塵泪

下第後渡錢唐兼柬楊伯翼

扁舟憑陵涉大江中流擊楫何慨慷踟躕搔首望寥  
廓顧見潮來白淼茫倏忽騰驤勢何急八紘元氣相  
嗟噓浪打西陵岸欽浮風吹錢唐江盡立跼沫蕩搖  
白日昏飛濤驚濺青天濕龍宮震動鼉足翻波臣辟  
易陽侯奔片帆鳥駛天外度須臾潮平江水渾瞿唐  
巫峽亦滄溟安得如此簸大塊祗疑罔象肆神姦乃  
知天地有靈恠虛空六合相孤撐覽之壯心忽忽生

舟人飲泣我咲譌念此區區何足驚江邊吊古訪吳  
越水犀戰罷鼓聲歇子胥廟在忠魂懸句踐臺空霸  
氣滅斜陽今古自寒潮磨得英雄兩鬢銷三山突兀  
望不極白楊烟起風蕭蕭忽憶揚生終髮北扶搖斃  
戰萬里融意氣磊磊不可羈直駈海潮入胷臆我今  
失意未肯愁黃金破盡買吳鉤一尊歸去弄明月與  
君大嘯東海頭

咄嗒行

東海聞人嗟咄嗒悲風西來撼庭栢陰陰斷岸結層  
冰黑雲墮江浪花白海邊征戍行路難驚潮拍船濕

馬鞍棹舟黃帽凍欲死渡頭人語慘不懽屋上飢鳥  
落毛羽高鴻下來叫空渚何者短褐衝西風踏沙手  
拾枯蘆去亭午鷄鳴矮樹巔貧家竈突寒無烟老婦  
乞火向隣舍一望籬落何淒然東海間人亦貧士布  
袍不完生朔氣平居耻作兒女顏推顏肯失丈夫志  
伊余坎壈未足論馱將癘瘵愁元元天寒歲暮無衣  
食猶有催租吏打門君不見官司日日坐公府猛氣  
高張吼如虎放衙敲扑號窮民退食椎牛復撾鼓又  
不見豪門公子擁狐裘雪花如掌明朱樓錦帳重幃  
不知冷美人進酒彈箜篌起行雪中披鶴氅願見樵  
夫雙足僵東郭先生偃僂來大咲拍手醉相向此時  
慷慨悲間人無錢可散蒼生貧造化小兒太無謂摻  
眉仰面看高旻

苧羅山

苧羅之山積秀色山下西施絕南國直將明月關嬋  
娟不與芙蓉借芳澤三月春風出浣紗姪殺溪頭萬  
樹花若耶道旁觀如堵咨嗟誰不睇容華生來宛轉  
孤邨裡幾把朱顏照溪水何人持獻吳王宮可憐佳  
麗逐飄蓬夫差一見驚韶秀入眼平生未嘗有越女  
蛾眉沾斷春吳姬粉黛俱老醜館娃宮裏日承恩響

麝廊中暮進酒西施不樂強咲歌背人私自啼紅袖  
伐鼓彈箏清且哀一朝麋鹿遊蘓臺蕭條又向扁舟  
去萬頃湖波喚不回佳人一去不復得苧羅千載無  
顏色不見浣紗人空餘浣紗石江州江烟迷大堤荷  
花依然開舊溪鷓鴣啼上越王樹艷骨何處成香泥  
君不見明妃村綠珠井紅顏俱化胭脂冷莫愁既去  
石城荒文君已沒錦水涼美人多少委塵土徒使行  
人悲夕陽

美女篇

美人綽約姑射仙皎皎玉壺冰雪顏笑容為面紺珠

色明珠掩映雙珮環石榴裙度宮寧窈窕靨娥眉鬪  
芳澤疑是彩雲化得成朝朝暮暮巫山側漢臯神女  
逢交甫洛水靈妃感思王神女靈妃兩奇絕弄珠明  
月碧漢涼白家秀色積千春明珠買得如花人玉笛  
聲中香粉盡當年空怨趙王倫楊家玉環擅妖麗一  
咲能回天子意沉香亭北千葉桃但頭不敢爭韶媚  
宮中行樂度春宵虢國金車相映嬌一朝事去照脂  
冷馬嵬血濺羅襪銷苧羅山下生吳娃當時一貌羞  
荷花錦江春色照錦城文君薛濤先後生六朝富貴  
多朱樓盧家少婦名莫愁美人之美幾時好古來多

少埋青草即看艷質何代無只恐繁華鏡中老東隣  
女兒人如玉西隣女見玉如人可憐生長孤村裡十  
年不見長安春長安公子珊瑚玦手執金鞭騎汗血  
徵詩選舞遍名都掌大秦珠耀明月豈知此女王色  
妍玉容憔悴羞花鈿春草香生紅閣外秋螢冷度玉  
堦前春去秋來人不見篋笥年年厭針線鏡亦不暇  
覽頭亦不暇梳白日當牕愁自語暗塵生滿綉羅襦

汪生行

汪生心好奇自稱黃鬚兒燕趙古俠客慷慨氣不羈  
三十為諸生耻作今人詩促菽朝魯儒空文胡其卑

手把吳鉤雪花白腰間寶劍照海色結交盡為世上  
雄蛾覩萬夫揮八極白日騎馬都市遊酒酣搥碎胡  
姬樓叱咤風雲變天地拔劍抉水水倒流君不見魯  
連子却魏掉片言亡聊在一矢拂衣辭千金天下稱  
高士又不見張子房東訪滄海君意氣挾大荒秦皇  
吞六合良亦吞秦皇兩生俠骨掩蓬蒿英聲嗟峨日  
月高舞陽死灰人要離非世豪汪生汪生爾好俠王  
門且莫彈長鈇我欲與爾鳴鞭西北垂功成咲向平  
原獵

述哀篇

食魚食河魴娶妻娶齊姜河魴猶可食齊姜不可得  
好花落盡春風殘美人化去胭脂寒花落明年又解  
開美人一去不復來苦調不成聲哀絃容易絕空有  
餘香枕上存可惜朱顏鏡中滅春日畫陰陰空閨子  
瘦沉綠自生前斷息從死後深憶昔結縈瑤瑟和笑  
語春風生綺羅五更愁易盡萬歲豈云多共道姻緣  
天地老那知倏忽人歸早只在人間二十秋此別竟  
成千古愁綵雲一瞬風吹去皎月流光不肯住霞衣  
髣髴向丹青淒迷不識歸時路柳絮梨花到夕陽蘭  
枯蕙死不禁霜黃壚深墓玉芳草暗埋香墓玉埋香  
自何所忍見容華委塵土人在不知歡人亡但知苦  
我今徒哭君不聞君倘能悲我不信知是韓憑兩地  
悲何不當時一宵盡腸斷又黃昏含悽怕入門風前  
疑有影月下未歸魂夢裡相逢淚如雨驚回猶記夢  
中語錦衾日夜睡醺醺睡去還貪夢見君

海上曲

樓船出海鯨鯢奔閩外營空冷竈屯妖氛點水海氣  
黑天狼照夜邊月昏故國山河兵革起長雲目斷人  
千里又是山中蕙草荒清江不見來雙鯉閨中少婦  
愁若何鴛鴦機上離緒多令人心折大江波

臨江王節士歌

洞庭芙蓉集湖水香塞鴻欲下秋天涼湖生波鴻落影  
臨江節士心耿耿秋日風吹劍花冷邊月照胡沙萬  
里橫行氣何猛西北去關山多蕭蕭班馬動迢迢赴  
交河

長門怨

月照長門靜春色闕房櫳鳳輦斷行跡螢飛綉簾空  
玉階長新草冷殿響秋虫妾貌自如故君王心不同  
少小在金屋專房非一朝人情好新寵妾宜不復嬌  
忍觀舊舞衣坐令香粉銷年年度秋夜今年秋夜長  
何處西風送歌管君王行樂在平陽

酌徐先生山亭

山開華屋摩蒼穹只尺疑與帝座通徑路盤迴夾蟠  
鍊危峰欲墜凌硤控長溪瀉落白雲中奔流直走滄  
溟東山川盡遶烟羅宮珠簾高捲海日紅怪石騫露  
飛巖崿竒秀剖出驚化工孤城睥睨當其雄亂遮艸  
樹何象叢憑高一覽下界空手捫赤霞踏晴虹酒酣  
不知是相公把臂大笑來天風

言葉鄭朗

朔風吹浪卷寒沙海樹盤空雪作花大江凍合雲空

滿天八平荒白草短一聲高雁落邊愁忽念故人雙  
淚流猿啼虎嘯悲行跡歲莫天寒出避仇莽莽乾坤  
何以走獸有青山在馬首歸來門巷掩蕭疎盡日無  
人好著書太陽不照君孤憤寶劍光沉手自收小臣  
欲向天帝訴九閔殺殺虎豹怒

贈陳將軍

將軍颯爽氣食虎早謝諸生事旗鼓雙旌落日使夷  
王疋馬西風說強虜金笳翔雪照營門鐵衣光閃瑠  
弓昏將軍仰天誓報國拔劍擊海海水渾寒雲出塞  
長凍草合沙黃萬騎朝吹角千山夜度霜東南走徧

扶桑國刀環黑帶風塵色幾回虜盡一身存六十年  
來雙鬢白功蓋華夷壓陣雲可堪爵賞不酬勲老將  
恥班新部曲偏師猶屬大將軍君不見雲中太守坐  
按堵一言不合幕府怒陳湯萬里威腥羶白首那知  
尚戍邊嗟嗟將軍何桓桓丈夫不為虎躍即為龍蟠  
轅門一咲解金鞍賓朋相見聲相驩歸來不用千金  
壽華屋青山一尊酒嗟嗟將軍之功挂人口馮唐劉  
向之徒那不有陳生本是封侯人魏公終作雲中守

徐將軍歌

百戰英雄迫不羣手提長劍掃妖氛千行白羽搖邊

月一片紅旗卷陣雲  
虜船壓海合重圍  
殺氣馮陵白日微  
舟中列校慘無色  
將軍橫刀疾若飛  
大呼陷陣動海水  
一夫先登萬人靡  
殺人如草不留行  
我軍逐北日千里  
鯨鯢斬盡大波平  
瘴癘全銷島嶼明  
將軍何義勇  
天子早知名  
千金破格懸殊賞  
將軍廣肩復大顙  
骨相封侯定不癸  
胡人夜獵邊風呼  
共待將軍西擊胡

傳御史行

崑崙之山高嵯峨  
青天一片流黃河  
大地微茫出桐栢  
萬里長淮走秋色  
二水東流日夕奔  
君亦胡為下

薊門薊門落日照  
馬首臘盡河水尚  
枯柳黃沙深深不見人  
誰餞孤臣一盃酒  
軒轅臺址天荒涼  
臺上曾憑覽太行  
一犯風塵向東國  
劍花蕭瑟帶燕霜  
古廟黃能思夏后  
高丘白虎吊吳王  
傳御史丈夫事業當如此  
七尺之軀報天子  
南荒瘴癘亦不惡  
何況東來窺大壑  
大壑崩騰不足驚  
馮夷擊鼓鼉鼉迎  
八月秋濤卷海樹  
天青嶽色參差明  
靈鰲皆負三山至  
看君浩蕩蓬萊行  
漢家纍纍盛金紫  
走馬長安多老死君不見  
傳御史

贈吳生



闔閭城頭草花香  
延陵墓上落日黃  
何者王孫稱季子  
千載風流無乃是  
落拓人間三十秋  
骭體不肯干王侯  
曾將雙壁酬紅粉  
破盡千金買紫騮  
吳地烟花住來久  
眼前一片秦淮流  
歸臥滄江白日速  
疲疲刀環响空谷  
那堪鬢髮秋蓬飛  
幾見蘼蕪春草綠  
願君且莫歎蹉跎  
丈夫失意柰尔何  
愁來擊筑向尊酒  
女本吳人善楚歌

薊門行送王太學北上

南浦逶迤漲綠波  
片帆孤月生黃河  
黃河東來水聲盡  
行人北上關山多  
留君不發勸君飲  
白日為君行

蹉跎落落幽燕薊  
門關太行直倚鴻濛  
割天開日月臨九  
邊山阻風雲護雙  
關君行漸北邊氣  
深馬首西風一何  
烈榆關盡角吹微  
霜獵騎金鞭照積  
雪薊丘覽古高臺  
荒黃沙入草烟茫  
茫美人不見藏鈎  
處俠客猶餘蹴踘  
場古來飲馬空垂  
名葱河日夜流長  
城下長城下有英  
雄骨此時忼慨誰  
能平漸離荆卿寸  
心許更願一拜田  
先生青萍紫騮兩  
無恙高堂擊筑咲  
相向百壺沉醉醜  
觥前萬里橫行沙  
塞上歸來日日傍  
紅樓滿簾明月彈  
筎篴一生不入金  
張宅一生不願王  
侯遊王郎意氣倘  
如此臨行贈爾雙  
吳鈎

送蔡桐鄉先生入覲

君不見碣石宮前春草長  
軒轅臺上暮雲黃  
萬里城高邊地肅  
燕人意氣多慨慷  
五雲隱隱見宮殿  
昔日燕市今帝鄉  
千門日照銅龍曉  
九陌斜飛金駟裏  
玉河下注御溝深  
太乙平臨紫極杳  
咄嗟夫子才魚雙  
少年歟策入明光  
不遣東方直金馬  
還如朱邑吏桐鄉  
政成三載朝天闕  
北上關山正雨雪  
擊節長謔易水篇  
舉盃高臥燕山月  
君行應得侍金華  
寶蠟煌煌罩絳紗  
日看長樂宮中柳  
空憶河陽縣裡花  
余也摧箴江海客  
獨有雄心麾八極  
江風時時吹面涼  
海月年年照人白  
腰間長佩雙吳鉤  
牢落風塵始見收  
三千粉黛誰殊色  
十二天閑媿紫駟  
蔡夫子人生相知  
總能幾漸離荆卿  
豈徒爾談笑風雲  
從此始

天台山人歌贈林子

天台山人冰雪色  
目光歟海髯如戟  
高空明月照刀環  
匣劍霜浮古花赤  
文章往往薄諸生  
門卷時時通俠客  
迢遞青山遙見招  
赤城髣髴見霞標  
仙人盡日看瑤草  
細踏何年度石橋  
朅來頓轡吳山側  
一笑相看兩莫逆  
浪吹孤日海門開  
風卷空波江雨白  
莽莽乾坤縱復橫  
如君實有古人情  
假令千載猶旦莫  
何

况四海為弟兄夢寐名區亦已久靈潮只尺鼉鼉吼  
君今為我報山靈明日天台一把手

打獵篇

幽并八月天荒涼平原無人秋草長帝子王孫齊出  
獵少年一一皆戎裝甲光耀日千金鎖袍繡盤花五  
綵妝雕鞍玉勒紛來往千騎萬騎披草莽出匣泉流  
寶劍號控弦風急琯弓響蒼鷹亂擊百鳥呼將軍仰  
射金僕姑文鶴錦鷄馬前墮紛紛毛血灑平蕪魚然  
獵犬風雨迅黃狐玄兔一時盡塵沙四起天地昏猛  
虎亦驚山谷震山前逐鹿莽縱衡關外蕭蕭胡馬鳴

少年彎弓挾飛騎直過秋風古北平富貴豪華事遊  
佚玉葉金枝誇慄疾繡旂画戟列長雲白馬紅袍驕  
落日須臾偃息人馬閑臂鷹牽犬紅斑斑遠出不知  
原野闊歸來但見車輪殷長安大道人如蟻爭看王  
孫出獵還

送沈長孺東還

憐君有才時不偶空令歲月風塵走公車三上長安  
春馬蹄幾別都門柳劍花白日照嶙峋不作擯眉向  
紫昊酒中大嘯驚燕市醉來一睨當壚人季子金多  
何足問張儀舌在安愁貧昔年咄咄憐枯槁感君高

義與君好可堪今日送君歸  
蘂蕪綠滿江南道君歸  
且得臥煙霞余獸骸依天涯  
東方苦饑朱儒飽出入羸馬  
多泥沙我寄歸心與君去  
黃河悠悠日東注別後相思  
海月秋秋蘆憶得垂綸處

贈瞿九思

瞿時以註誤長流塞外余憐其高才煩寃為

作此詩

盧龍浩蕩秋煙生風吹九邊哀  
角鳴壯士起舞手拔劍天星  
散落銀漢傾黃河倒翻白日  
裂瓠子夜決魚龍驚鉅靈劈  
山五丁走為君磊落懷不平  
我欲撞萬

石之鐘擊鼉鼓大呼百神向  
天語百神不應皇天不憐女  
女有才名落吳楚楚中煩寃  
屈大夫獸田祠賦悲千古勸  
女意氣休摧藏逢人炯炯雙  
目光鳳皇鴉鴉誰復辨空然  
慟哭過江湘古來高才多不  
免白也長流向夜即君今遠  
徙何為者青天無人但曠野  
火暗屯雲壁壘西刀寒積雪  
陰山下雙鬢婆娑三十年可  
憐此日犯風煙沙場倘葬英  
雄骨天地終垂孤憤篇相公  
憐才 聖明主男兒定不死  
窮邊

訓周元孚民部

楚中山川何雄哉南紀滔滔  
江漢開祝融之峰秀且

板朱陵紫蓋通仙臺玄夷使者授金簡精靈萬古安  
能迴星河高倚三峰出波浪平吞七澤來洞庭蕭蕭  
木葉下屈子靈修兀不化賈生藻思縣長沙處士才  
名落江夏即今才士猶雲興詞壇旗鼓君先登一曲  
南風吹落日片言秋色起巴陵君操郢雪燕市裡燕  
市高訝萬人廢風流白日不銷沉意氣青天可凌厲  
一見憐余調頗同翻然膝行走下風願作雙龍駕鉅  
海願隨八駿行秋空安能與斥鷃之羽爭枯蓬

送桂博士入楚

桂生蕭瑟人浩蕩觀八垠人生行樂耳何必營千春

薄遊可玩世何必要路津長安不收明月珠北風  
夜吹瑯弧五疾七貴不足問彈箏自向酒家胡年年  
上書何為者黑頭作吏風塵下聊借微官向楚中赤  
日空原駮瘦馬楚國山川六千里君行寧為微官喜  
高言一落大湖深曾中雲夢不知幾天晴樹色漢陽  
開一片孤帆江上來白日空縣鸚武賦青山誰吊彌  
生才君今寄傲滄洲上天地安能羈任放直取當年  
曠士懷黃雀高樓尚無恙長安作客厭紛紜眼前世  
事如浮雲我亦明朝為小吏三湘七澤好從君

贈沈懋仁年丈

少年才子入明光春容大篇森琳琅片言落筆搵文  
昌儼如繁星麗寒芒天門萬里開霞素駿馬銀鞍大  
路旁共羨朱顏白日香西施浣紗江水長蛾眉老大  
泪成行自領春風吹曲房

畝別沈君典馮開之二年丈

憶昔長歌栖海曲浮空幾見海水綠門前月出青峰  
高直泛天雲駕黃鵠偶然挂帆秋冥冥橫素波子凌  
太清扶桑萬丈落盃底三山插入雙鬢平疲寒龍女  
明珠色石裂江神鉄遂聲招安期生拉羨門子相視  
大咲不能止當肯浩蕩有如此何人喚我出蒿萊布

衣短褐長安來春風鳳輦千花豔曉日銅龍萬戶開  
揖客頻回紫駟馬停鞭一問黃金臺黃金臺下都人  
滿道上逢君意款款古來結交在片言立談之間鮑  
與管白日為君遲浮雲為君緩彈碁擊筑胡姬春忼  
慨悲歌驚四隣豈知世事翻海水合是文章忌鬼神  
落花同日隨風散一墜泥沙一錦相君也昂藏向霄  
漢予今磊落走風塵風塵侵人亦太苦折腰日日趨  
公府豪氣清談安在哉丈夫俯仰工眉嫵吁嗟乎東  
方玩世世所侮寧論為鼠與為虎雲霄故人雙眼明  
憐余涕泪紛從衡鴻雁分飛何處影河橋惜別不勝

情對君歌飲君酒拔劍起舞亂北斗落日啼殘上苑  
鷲西風吹折都城柳城頭瑟瑟鼓四過酒醒上馬月  
欲斜故人片時猶在眼春明門裏是天涯

瞿童子詩

瞿童子名甲楚人瞿九思子抱才甚竒年十  
三徒步走京師上書相公訟父寃辭情忼慨  
余見而心壯之遂訪其父子邸中贈之以詩  
童子亦有贈余之作

楚中何物寧馨者秀眉鬢華亦灑灑十三作賦能凌  
雲七步成詩不倚馬上書相公訟父寃忼慨陳詞淚  
盈把煩寃直欲叩天闈長安六月霜飄瓦願將高義  
附緹縈少年不在岑生下君家父子俱才賢黃鵠落  
羽遭鷹鷂白日有時不照地豐城獄庖埋龍泉文字  
豈招神物忌才名不受世人憐我從長安識女父因  
識女一見把手相勞苦蕭然短褐吹秋風向人有氣  
不得吐世人爭謁五侯門眼前誰復哀王孫

寄顧益卿先生有引

余出都門顧憲副益卿追送報國寺相與劇  
譚沉酣達旦平明別去賦此寄之

昔年州州長安遊今年小吏走滄洲北風烈烈關山

道何物英雄顧虎頭天寒走馬來相留腰間解贈雙  
 吳鈞王壺醉我都門秋生來能樂不能愁便與擊筑  
 彈箏篴我本要離俠者儔顧侯意氣片言投酒酣雄  
 談傾不周自言嘗戴鐵兜鍪手提長劍騎驍駒夜砍  
 賊營摧山丘殺人如草還窮蒐屠生聞之開兩眸捋  
 髯把臂呼君侯君侯君侯文修天上五鳳樓武可當縱  
 衡百萬之貔貅丈夫如此真赳赳揚雄老死相如優  
 文章直是雕獼猴黃沙莽莽生邊州黃雲片片落貂  
 裘白日不動浮沲流疲深命取大白浮狂來浩蕩歌  
 吳趨天星一夜歷亂不得休明朝酒醒揮手別斑駁

公笑風蕭颯

長安明月篇

長安明月正秋宵桂樹扶疎香不銷初懸碧海生華  
 屋漸轉朱城隱麗譙白露玉盤流素液丹霞寶鏡拂  
 輕綃明浮漢殿涼仙掌暗入秦樓濕紫簫魄滿中秋  
 天浩蕩光圓三五夜迢迢參差玉葉披香樹宛轉金  
 波太液橋披香太液紛相屬玉葉金波寒藪藪萬戶  
 平臨不夜城六街盡在清涼國洞庭湖中木葉稀始  
 蘓臺上城烏宿靈妃鼓瑟湘江頭神女弄珠漢水曲  
 朱絃的的汎崇蘭翠袖涓涓映修竹既從天漢掩疎



星亦與君王代銀燭君王對此秋湯湯龍樓魚鑰開  
長安閃閃鴛鴦夾香霧統溶溶鳩鵲玉華溥風飄綽約  
雙鬟女花近歲粧七寶欄新出蛾眉描正似圓來嬌  
面借同看昭陽粉黛生香煖長信梧桐照影寒飛燕  
單衫初舞罷班姬雙泪欲啼乾自以光輝薦寒暖每  
逢佳節助悲歡有時照入空閨裡蕭瑟流黃夜驚起  
能于瓦上白如霜復遣牀前涼似水情到鴛箋淚萬  
行夢回鴛帳人千里有時照向邊塞頭黃沙茫茫白  
草秋已傷長夜吹邊遂又奈寒光照戎樓歸興三秋  
度遼水愁心一夜滿并州古來一片長安月對之萬

種人情別月圓月缺如循環秋去秋來無斷絕遂令  
皎皎地上霜都作星星鬢邊雪從他人世換春秋不  
向中天數圓缺且因光景及芳年乘興先開歌舞筵  
同酬綵筆邀希逸自舉金盃呼謫仙佳會於人既不  
易良宵顧影亦堪憐興來坐到星河曉醉後還操明  
月篇最愛霓裳羽衣曲乘風便欲問嬋娟

彭城下吊項羽

彭城城高墜曠野河流崩騰堆象馬大江月出舳艫  
空孤帆夜宿彭城下彭城之山鬱不開項王霸氣餘  
高臺日落黃雲壓古壘天寒白露生秋苔當時雄心

掃六合親提猛士渡江來  
縱衡長劍叩關西  
秦關百二如丸泥  
飄飄回旗忽指東  
漢王膝行走下風  
烏騅橫衝萬馬間  
將士瑀弓不敢彎  
只用刀頭畫江水  
直從掌上分河山  
睥睨已無赤龍子  
其餘英雄盡狐鼠  
天下侯王皆受封  
自取彭城王西楚  
指揮既定霸王基  
撞鐘伐鼓建華旗  
白日高臺駟駿馬  
夜深錦帳擁名姬  
蓋世雄威山可拔  
一朝跌宕復何說  
慷慨悲來大澤深  
英雄運去寶刀折  
不能泥首向他人  
烏江之事亦烈烈  
霸王事業雖不成  
一時雄快良可驚  
昔日雄圖荒壁壘  
至今楚水流彭城  
我來一吊斯人罷  
卷

地悲風萬里生

淮陰祠下作

淮陰祠下淮水空  
山川北走多烈風  
烈風蕭蕭卷斷蓬  
飛濤相礮寒日紅  
停撓細數英雄事  
不在千金酬漂母  
不在百戰掃羣凶  
乃在布衣折節過  
屠中丈夫致身爲  
神龍當其泥蟠倪  
與蝦蛆同卷舒如  
此真英雄吁嗟乎  
將軍旣已爲神龍  
神龍泥蟠升天都  
升天復能潛盤渦  
清溪白石何不可  
嚶娑高鴻飛飛遠  
雲羅雖有睥睨如  
將軍何何爲日莫  
遭軼軻英雄已矣  
去日多荒荒古祠  
生藤蘿長檣大版  
祠前過歲歲西

風送逝波

吳王歌

吳王昔日起高臺歌舞新收勁越回氣壓東南金作  
埒巧窮吳楚錦成堆千尋繡柱凌雲度四面朱欄傍  
水開直捲星河迴錯落高馮天闕象崔嵬江頭燕掠  
花將暝城上烏棲月欲來前殿旌旗催夜角後宮絃  
管送春杯冉冉池蓮發紅萼鋪遍流黃臨水閣採將  
秀色比娉婷倦倚嬌娃何綽約芳草蘭舟錦纜牽垂  
楊駿馬紅纓絡南浦齊聞宛轉歌西園不下歲粧鑰  
南浦西園幾度看文牕綺構日盤桓娟娟繡帶黃金  
縷的的朱櫻白玉盤宮井碧梧間吹大池亭翠篠密  
栖鸞稱詩戲贈同心結鬪巧妝臨七寶欄妃子風流  
無奈舞君王顏色不禁歡酒罷君王復大笑喧喧車  
馬金閭道吳地初嫌花月殘越王又送宮娃到歌分  
簫管舞尤工色並荷花香更好露點踈螢度玉除星  
垂明月敞朱扉雕牀翠被鴛鴦繞繡幌金屏孔雀圍  
簾下乘風歎寶扇夜涼滅燭解羅衣乘風滅燭對秋  
光寶扇羅衣興轉長鴉翅暗偷雙鬢色龍涎都散六  
街香館娃宮裡花如霧銷夏灣前月似霜碧海枯桑  
世能幾朝朝暮暮君王喜語驚鸚武喚初回醉入茶

香長卿集 卷之七 二十六  
藤扶不起買咲追歡夜未央萬歲千秋樂無已梨花  
曉夢逐飄風楊柳春宵同逝水高臺把酒問花神富  
貴繁華能幾春只聽西湖採蓮曲寧知東海卧薪人  
會稽兵來風雨速十萬貔貅動地哭日上花枝啼鷓  
鴒春回芳草遊麋鹿鏡中已作綵雲飛臺下依然江  
水綠天荒古樹老宮槐野曠寒沙沒繡鞋丘壠茫茫  
陳玉匣田夫往往得金釵古來歌舞多零落日暮江  
頭一悵懷

蕩子從軍行

飄飄蕩子遠從軍黯淡河梁歎送君萬里荒荒悲出  
塞十年杳杳念離群旗翻夜獵捎邊馬弓響秋鷗落  
陣雲霜入袞笳聲烈烈忽報單于甬道絕擊斗朝馳  
鉄勒烟銜枚夜度龍沙月黑山部落綫銷蒐白馬  
支暗流血帳中夜夜飲蒲桃手拔龍泉膽氣豪五月  
回軍屯隴右三秋轉戰出臨洮風高葱嶺催鉦鼓火  
照陰山掣佩刀葱嶺陰山雪十丈蕩子經行久無恙  
斬首心雄七校前冠軍名播三邊上丈夫輕別重遠  
遊自言談笑取封侯君行絕塞音書斷妾守空閨涕  
泪流燕子樓中常歎宿露桃花下結千愁涼風繡帶  
難爲夜小雨銀缸不奈秋一道烽烟邊報急天子雲

中羽書集胡兵分道試長驅漢家孤軍又深入邊  
消息年年戰魂夢關山夜夜泣夢去那知綦履寬  
夢回但見珊瑚濕綦履珊瑚可奈何夢魂消息度  
交河高臺落木臨邊盡空磧寒沙出塞多空磧高  
臺數千里落木寒沙望中起陰陰白日動秦關漠  
漠黃雲壓漢壘十年談笑不封侯百戰何時見天  
子妾身直是老蛾眉蓬鬢蕭蕭粉面垂攬涕因思  
戈甲冷裁衣忽下剪刀逢此時含情待明月此時  
緘怨問花枝雪散蘼蕪春又綠秋殘蕙草露仍披  
人愁人老真容易年去年來爲別離不信祇今衣  
上泪請君看取鬢邊絲

正